

Na osnovu člana 16. stav 4 Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj 7/10 i 3/23), a u skladu sa članom 55. stav (2) Zakona o izvršavanju Budžeta Zeničko-dobojskog kantona za 2023. godinu („Službene novine Zeničko-dobojskog kantona“, broj: 3/23 i 10/23), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 21. sjednici, održanoj dana 15.03.2024. godine, d o n o s i

ZAKLJUČAK

o usvajanju Izvještaja o realizaciji Programa utroška budžetskih sredstava za realizaciju kapitalnih projekata drugim nivoima vlasti iz oblasti komunalne infrastrukture Zeničko-dobojskog kantona za 2023. godinu

I.

Usvaja se Izvještaj o realizaciji Programa utroška budžetskih sredstava za realizaciju kapitalnih projekata drugim nivoima vlasti iz oblasti komunalne infrastrukture Zeničko-dobojskog kantona za 2023. godinu Ministarstva za poljoprivredu, šumarstvo i vodoprivredu, koji čini sastavni dio ovog zaključka.

II.

Zaključak stupa na snagu danom donošenja.

Broj: 02-_____/24
Datum, 15.03.2024. godine
Zenica

PREMIJER

Nezir Pivić

DOSTAVLJENO:

1x Ministarstvo za poljoprivredu, šumarstvo i vodoprivredu,
1x Ministarstvo finansija,
1x a/a.

BOSNA I HERCEGOVINA
Federacija Bosne i Hercegovine
ZENIČKO-DOBOJSKI KANTON

**MINISTARSTVO ZA POLJOPRIVREDU,
ŠUMARSTVO I VODOPRIVREDU**



**IZVJEŠTAJ O REALIZACIJI
PROGRAMA UTROŠKA BUDŽETSKIH SREDSTAVA ZA
REALIZACIJU KAPITALNIH PROJEKATA DRUGIM NIVOIMA
VLASTI IZ OBLASTI KOMUNALNE INFRASTRUKTURE
ZENIČKO-DOBOJSKOG KANTONA ZA 2023. GODINU**

ZENICA, februar 2024. godine

I. UVOD

Vlada Zeničko-dobojskog kantona je Zaključkom broj: 02-11-11258/23 od 12.07.2023. godine usvojila Programa utroška budžetskih sredstava za realizaciju kapitalnih projekata drugim nivoima vlasti iz oblasti komunalne infrastrukture zeničko-dobojskog kantona za 2023. godinu (u daljem tekstu: Program), kojim su planirana sredstva u iznosu od 230.000,00 KM (slovima: dvijestotinetridesethiljada konvertibilnih maraka). U vezi sa članom 55. stav (2) Zakonu o izvršavanju Budžeta Zeničko-dobojskog kantona za 2023. godinu („Službene novine Zeničko-dobojskog kantona“, broj: 3/23 i 10/23), Ministarstvo za poljoprivredu, šumarstvo i vodoprivredu izradilo je izvještaj o realizaciji Programa utroška budžetskih sredstava za realizaciju kapitalnih projekata drugim nivoima vlasti iz oblasti komunalne infrastrukture Zeničko-dobojskog kantona za 2023. godinu. Prema opredjeljenju Vlade Zeničko-dobojskog kantona, a u vezi sa Strategijom razvoja Zeničko-dobojskog kantona za period 2021. – 2027. godina:

Veza sa strateškim ciljem:

3. Poboljšati trenutno stanje okoliša, povećati energijsku efikasnost i unaprijediti javnu infrastrukturu,

Prioritet:

3.4. Poticanje održivog i okolišno prihvatljivog prostornog planiranja,

Naziv mjere:

3.4.2. Razvoj komunalne infrastrukture (vodovod, kanalizacija, toplifikacija, gasne instalacije, javna rasvjeta, primarni tretman i krajnje zbrinjavanje otpada (komunalni i specifični tokovi) i sl.),

Opis mjere sa okvirnim područjima djelovanja:

- Poboljšanje komunalne infrastrukture kroz osiguranje dostupnosti usluga vodosnabdijevanja i sanitacije, toplifikaciju, uspostavu integralnog Sistema upravljanja otpadom kroz razvoj cirkularne ekonomije,

Strateški projekti:

3.4.2.9. Podrška projektima izgradnje i unapređenja sistema za vodosnabdijevanje i tretman pitke vode.

U izvještajnom periodu od planiranog iznosa od 230.000,00 KM, realizovano je 230.000,00 KM, odnosno 100 %.

U Budžetu Zeničko-dobojskog kantona za 2023. godinu („Službene novine Zeničko-dobojskog kantona“, broj: 3/23) Vlada Zeničko-dobojskog kantona utvrdila je iznos od 230.000,00 KM u okviru budžetskih sredstava na poziciji 615100 „Kapitalni transferi drugim nivoima vlasti“ na razdjelu 23, budžetska organizacija 01, potrošačka jedinica 0001, subanalitika NAD 409 – Ministarstvo za poljoprivredu, šumarstvo i vodoprivredu.

II REALIZACIJA UTROŠKA

Tabela 1. Zbirni pregled realizacije po projektima iz Programa za 2023. godinu dat je u narednoj tabeli.

R. br	Općina/Grad	Projekat	Opis poslova	Planirana sredstva/KM
1.	Grad Zavidovići	Vodosnabdijevanje naselja Mjesne zajednice Rujnica sa gradske vodovodne mreže Grada Zavidovići – Faza I	Izgradnja komunalne (vodovodne) infrastrukture	200.000,00
2.	Općina Maglaj	Izgradnja vodovoda Domislica (Brezove Dane) u Maglaju	Izgradnja komunalne (vodovodne) infrastrukture	30.000,00

Izvor iz kojih se finansira: Budžetska sredstva utvrđena u Budžetu Zeničko-dobojskog kantona („Službene novine Zeničko-dobojskog kantona“, broj: 3/23)

III. EFEKTI UTROŠENIH SREDSTAVA

Prema dostavljenim izvještajima od JLS, procjena efekta učinka realizacijom kandidovanih projekata svodi se na izgradnju vodovodnih i kanalizacijskih sistema, kao i putne infrastrukture, koji doprinose nizu pozitivnih učinaka:

1. **Poboljšana javna zdravstvena zaštita:** Pravilno izgrađeni i održavani vodovodi osiguravaju sigurnu pitku vodu, što smanjuje rizik od zaraznih bolesti povezanih s kontaminiranom vodom.
2. **Povećana kvaliteta života:** Pristup čistoj pitkoj vodi poboljšava kvalitetu života stanovnika, smanjuje troškove liječenja bolesti uzrokovanih lošom kvalitetom vode te pomaže u održavanju higijenskih standarda.
3. **Smanjenje gubitaka vode:** Moderni vodovodni sistemi obično imaju ugrađene mehanizme za smanjenje gubitaka vode, poput curenja ili nepotrebne potrošnje. To može pomoći u očuvanju resursa vode i smanjenju troškova.
4. **Socijalna inkluzija:** Pristup vodi i sanitarnim uslugama ključan je za socijalnu inkluziju. Osiguravanje ovih osnovnih potreba svim građanima pomaže u smanjenju nejednakosti i poboljšava pristup resursima.

U konačnici, izgradnja vodovodnih sistema donosi mnoge pozitivne efekte za JLS, ali zahtijeva i pravilno planiranje, upravljanje i održavanje kako bi se ti učinci ostvarili i dugoročno očuvali.

MINISTAR

Jasmin

Čajić

Akt pripremio: Munir Dedić

Akt pregledao: Aner Omeragić